

## "NEI NIMANOA."

Nei Nimanoa bon aran te aine ae te Toa ōkoa i buakoia aineni Kiribati; boni m'aneia Nanikaina ma Uamumuri ao Ten Tabutoa. Aio te roŋoroŋo nikaŋwai are e a karakinaki irouia unim'ane.

"Ana makuri Nareau, e karaoa te bike ma te tano ao te neinei i aon Tamoā, ao e kaboboa, ao e a ewenako maiai te aomata, ao arana "Nei Nimanoa," ao m'anena aika Uamumuri, ma Nanikaina, Ten Tabutoa. E iein Nei Nimanoa ma Waitaŋitau, ao e riki natia ae arana Takarano. Ao e tiriŋaki Takarano irouia manen Nei Nimanoa ba a aki ataia ba natina. Ao e a taunaki iroun Nei Nimanoa i aon te tabuki, ao e a maŋa riki te aomata manī mannaŋin Takarano ŋike e taunaki : ao e aranna tinana are Nei Nimanoa ba Kautabuki. Ao e manaŋa Kautabuki nako Nikunau ao e a iein ma ainen Nikunau ae arana Nouō. Ao e a kariki, ao e a maŋa oti Nei Nimanoa n iŋoana tinani Kautabuki, ma m'anena naba ake Uamumuri, Nanikaina, ao Ten Tabutoa, ake a mena i aon Tamoā. Ao a tei rake Nei Nimanoa, ao Uamumuri, ao Nanikaina, ao Ten Tabutoa, ao a manaŋa nako iaŋ ao a roko i aon Tarawa, ao a bo ma Naubwebwe, ao e iein Nei Nimanoa ma Naubwebwe.

E a kariki Nei Nimanoa iroun Naubwebwe are ana toro Kirata are uean Tarawa, ao a maŋa riki natina aika tōa aika teniman naba, ao e arania natina n araia m'anena ake raona n nako Tarawa aika Uamumuri, Nanikaina, ao Ten Tabutoa, ao a ikawai i aon Tarawa. Moan te manena roroŋa aikai ma tinaiā ae Nei Nimanoa, ni buoka ueani Kirata, are uean Tarawa, ni kanenea ma ni karaka, ŋikai bon tōa ŋai'a. A bane n taenikai ana kairiribai Kirata i bukin Nimanoa ma natina. A taŋiraki Nei Nimanoa ma natina iroun uean Tarawa.

Ao rimwi a maŋa manaŋa nati akekei n nako meaŋ ao a roko i Beru, ao a anā Nei Teweia ao a uotia nako ba buia. Ao a maŋa nako aiaki, ao a roko i an Tamana. Ao e nori'a Tebuake mai Tabiteuea, ao e kareia n te atibu ae bubura ŋike a mena i an Tamana, ao e bo aia inaieta ao e maotoua. Ao e a bo naba waen Ten Tabutoa n te atibu arei, ao e mate iai; ao e a katikaki rake i an Tamana, ao e tane mwina ba te b'a ae maranran.

Ao a betinako Uamumuri ao Nanikaina ao Nei Teweia, ao a koro i Nonouti ao a waerake i Bareatau, ao a maeka iai. Ao a nako meaŋ mai Tarawa Beia ao Tekāi ake natini Kirata are uean Tarawa, ao a roko i Nonouti, ao a taetae raeaki irouia Uamumuri ao Nanikaina. Ao a ti mate naba Uamumuri ao Nanikaina."

\*

\*

\*

Ti a bane n oŋora te roŋoroŋo ba e naŋ kabaki te kaibuke ae bou ae uarereke, are e na riki ba Wan te Tau-taeka i Kiribati. Ao n te namakaina ae Beberuare, ao ti kuba ba ti a nora te ara ae tei i

aon te kairababa i Roñoroño i Beru i rarikin te kawai, ae Nimanoa (ke Nei Nimanoa). Ao i mwin tabeua te wiki ao ti a mimi ba e a terōaki "Nei Nimanoa" ao e a beibeti i āni Beru n Eberi 19.

A weteaki I-Roñoroño ba a na neweaba iai. Moan te tamaroa, ao te kakateke "Nei Nimanoa," ao e boni biribiri.

Ke tao bukin tera űkai e aranaki te Kaibuke aei n te ara aei ae Nei Nimanoa?

(1) Ti taku ba kaotan ana tañira ara Kiñ, ao kain te Tau-taeka ni bane, ma ara Komitina ake a maeka i buakora, te kan tauira ba ti na riki ba raoia n te Tau-taeka ae raoiroi, ma n eti; ao e akoi. Ma űaia ae a katoka aran ara unaine ae Nei Nimanoa.

(2) Tao iai boñara űaira aika kaini Kiribati nakon te Tau-taeka ni Buritan? Eñ, bon iai boñara. Ko a weteaki ba ko na riki ba te fia Moti, te Mataniwi, te Kaubure, te Boritiman, ao ake a nikirana boni kain ana Tau-taeka.

Ana kantaniña Misi Kurambo, ao Komitina, ao ara Mitinare ni Buritan aika maeka i buakora, ba a na riki I-Kiribati ba aomata aika a na manena nakon te Tau-taeka ni Buritan, n ai aroni boñan Nei Nimanoa ma natina ake teniman i rarikini Kirata are uean Tarawa. Aia kantaniña ba ti na korakora, ao ti na nene, ao ti na waki i bukin ara Embaea aei. E na kukurei ara uea ae Kiñ Tioti űkana a baina te waki n aintoa I-Kiribati i aon nakoia. Nora arana are e oneaki iai Bairiki, ao e kateaki ba aran aia reirei I-Kiribati ae kañai: "King George V. School." E aña arana aei ba kaotani kukurein nanona i bukin aia waki ataenim'ane n te reirei, ao n iteran takakaro tabeua.

(3) Kaini Kiribati, kam na kukurei ma n namakina akoami n te Tau-taeka aei. I butiñkami ba kam na teirake, ao kaotiñkami n te Tau-taeka aei. B'aina te b'ai n aintoa are bon te Tataro, ao te onimakina te Atua, ao te tañira, ba kam aña n tokanikai i aon ami kairiribai. A na bo nanora űaira I-Kiribati n tañiria kaini Buritan aika a maeka i buakora. Bon raora űai'a, ao a bon tañirira.

Uriña moan rokoia Misi Beñam, are tibuna kaini Buritan, ao Misi Witime are te I-Buritan, ake a tia ni kabaei nukara. Ao ti na uriña Misi Kamboro are ara moa ni Kamitina are e kaota raoiroin te Tau-taeka ni Buritan. Ti na tataro i bukin te Embaea ba e na kawakinaki ma ni kakab'aiaki ironu te Atna.

Iotamo. M. K.

KAMBATI K URIAM